

52 38
DISSERTATIO MEDICA
INAUGURALIS,
DE

MORBO
ARQVATO,

QVAM
JESU BENEDICENTE,
GRATIOSISSIMÆ FACULTATIS MEDICÆ CONSENSU,
IN ILLUSTRİ VARNIACA ACADEMIA
SUB PRÆSIDIO

DN. JOHANNIS ERNESTI
SCHAPERI,

MED. DOCTORIS, EJUSQUE PROFESSORIS PUBLICI
ORDINARIİ DUCALIS, h. r. DECANI MAXIME
SPECTABILIS,

DN. PRÆCEPTORIS, PATRONI ATQ. PROMOTORIS
SUI PARENTIS INSTAR AD URNAM USQVE NUNQVAM
SATIS DEVENERANDI

PRO LICENTIA

SUMMOS IN ARTE MEDICA HONORES, INSIGNIA ATQVE
PRIVILEGIA DOCTORALIA RITE AC LEGITIME CAPESSENDI
AD DIEM XIIX. DECEMBR. AN. M DC CXIV.

IN AUDITORIO MAJORI.

HORIS ANTE, ET POMERIDIANIS
PUBBLCÆ ERUDITORUM DISQVISIONI SUBJICIT

JACOBUS BARTHELMÆI,

PARCH. MECKLENB.

ROSTOCHII, Typis JOH. WEPPLINGII, Univ. T

VIRIS.
MAGNIFICO. GENEROSO. MAXIME. STRENUO
CONSULTISSIMO.

DN. ANDREÆ. BORCKMANNO.
CONSULI. INCLYTÆ. GEDANENSII. REIPUBLICÆ.
LONGE. MERITISSIMO. MULTISQVE. IN. PATRIAM.
MODIS. ADHUC. PRÆCLARE. MERENTI
UT. ET.

MAXIME. REVERENDO. AMPLISSIMO.
DN. CONSTANTINO. SCHUTZIO.
ÆDIS. MARIANÆ. PASTORI. VIGILANTISSIMO. CRAVISSIMO.
NEC. NON.

NOBILISSIMIS. AMPLISSIMIS. SPECTATISSIMISQVE.
DN. JOANNI-ALBERTO ROSENBERG,
DN. CYPRIANO. SANFTLEBEN.
DN. CONSTANTINO. SCHUMANN.
DN. SALOMONI. WAHL. JUNIORI.
ILLI. QVARTARUM. MAGISTRO. MERITISSIMO.
HISCE. CENTUMVIRALIS. COLLEGII. ASSESSORIBUS.
DIGNISSIMIS. OMNIBUS. ANTISTIBUS. SACELLI.
B. VIRGINIS. FIDELISSIMIS.

AC.

NOBILISSIMIS. AMPLISSIMISQVE.
DN. VALENTINO. CAROLO. à BODECK.
DN. GEORGIO. FRIEDERICO. SCHRADERO
PATRICIIS. GEDANENSIBUS. PRÆCIPUIS.
OMINIS. PATRONIS. EUERGETIS. AC. FAUTORIBUS. MAXIMIS.
OMNIq; OBSEQVII. CULTU. PROSEQVENDIS.

Disputationem hanc Inauguralem Medicam in tesseram
gratissimi Animi inscribit, seque & Studia sua
Ipforum Benevolentia, submisit consecrat.

Observantissimus cliens.

PROOEMIUM.



Quammeus natus ac ve-
luti Phocæ pelle conte-
ctus puer, cuius Stalpart
van der Wiel, cent. poster.
obs. 35. p. 374. meminit;
ut curiosam, sic defor-
mem satis exhibuit cutem, cum pilcis
instar squammosus & facie ac collo ex-
ceptis, prorsus nigricans & obscuro quo-
dam ac scabro musco, quo frigus perferre
poterat, obductus, apparuerit. Imagi-
natione matris hæc cutis deformitas in-
ducta, citato loco legitur. Quam alii
formositatis ergò omni studio quærunt,
dum cutem nævis vitiare conantur, &
amicabilis venustatis connatæ loco spur-
cam fæditatem ei inducere; Hoc suâ fæ-
dâ cute & Cingari, & Afri qui Hotten-
totten vocantur satis probant; Maxima
enim formositate conspici putant, nigro
colore faciem, immò totum corpus cum
obduxerint; Et hinc quò majori spur-

citie obducta cutis est, eò formosior habetur. Albo cutis colore alii delectantur, imprimis qui formositate student, ut sæpius si natura defecerit, vel arte eam adjuvare conentur; Hinc tùm extus tùm intus adhibentur remedia, ut albo colore cutis conspicua sit, donec sæpius inopinato cahecticus color inde eveniat, hinc vel cum tumida facie albent, vel flavedine sæpius obducuntur, ut ex formosâ detormis prodeat cutis. Hæc cutis flava Ipurcities Icterus vocari solet cum tota corporis superficies, nullâ exceptâ parte flava conspiciatur. Ab illâ corporis flavedine argumentum dissertationi in augurali sumpsi; Morbum hunc arquatam pro tenui ingenii mei penu consideraturus. Quod si ex voto tuo L.B. fuero affecutus, gratulabor mihi, sin minus, pro benevolentia tuâ institutum æqui bonique consules, cum ipse noveris, omnibus placere posse, arduum imo impossibile esse.

THES. I.

Quem cutis in flavèdinem mutatum colorem alii auriginosum ab auri colore, quo tota corporis superficies obducta videtur, dicunt, & hinc quoque vel auriginosam corporis suffusionem vocant, hunc alius morbum regium vocare assolet, vel ab auro metallorum rege cuius colorem agri præ se ferant, vel cum C. Celso quod in aulis regum molliter curetur, secundum versiculum Sereni;

Regius est verò signatus nomine morbus

Molliter hic quoniam celsa curandus in aula.

Ordinariò autem ac vulgari nomine voce græcâ in latinum mutatâ Icterus vocatur, sive ab ictero ave coloris flavi de quâ Plinius libr. 30. cap. ii. refert: Avem mori malumque sanari si spectetur; sive *ἰκτὴρ τῆς κίττου* à viverra mustelis annumerata, quæ venatoribus usui est, cuius oculos flavo colore tinctos referunt. C. Celsus celeberrimus sua ætate Medicus icterum vocare assolet morbum arcuatum libr. 3. c. 24., eò quod arcus cœlestis colorem æmuletur; & huius autoritate partim, partim libertate philosophica usus, dissertationis rubrum eo nomine inscripsi, cum in verbis faciles simus modo in rebus conveniamus. Dicitur quoque cachexia Icteritia cum revera ad morbos cachecticos pertineat. Germanis hic affectus considerandus, die gelbe Sucht dici solet.

Thes. II.

Hæc cutis in flavèdinem cachecticam mutatio, vario cum flavi coloris gradu variet, & jam flavum, jam pallidum, jam viridem, jam cœruleum, jam obscurum livorem, jam alium referat, variis insigniri solet nominibus, sic Forest: l. 19. observ. 23. Icterus viridem se observasse refert. Qualem & Petrus Joh. Faber. in curat. cur. 71. pariter recenset. Alii Icterus coloris plumbei observarunt; alii alterius coloris, quæ omnes differentes species unum tamen morbum, unam originem constituunt; id quod in sequentibus, partim explicatio morbi ulterior, partim medendi Methodus probabit; nec autoritate medicorum destituimur, Practici ad unum omnes ferè id affirmant, & inter illos Schenckius sat dilucidè libro 3. observationum de ictero exponit: se icterum quatuor coloribus successivè representatum in muliere observasse. Fa-

miliarissimus tamen inter has non ratione originis, sed ratione
diversi coloris differentes icteri species, est icterus flavus, cui ex
longiori icteri flavi insistentis mora, præ reliquis succedit frequen-
tius icterus niger, cum ex flavo obscurus livor cutim obduxerit,

Thef. III.

Variis ex flavo coloribus ludens affectus, autores medicos in
varias deduxit sententias: hinc sunt, qui icterum à bile per corpus
diffusâ eaq; excrementitiâ volunt, quos inter sunt Capi vaccius, l. 3.
de affect. hepat. c. 21. p. 700. Felix Platerus l. 3. prax. & alii; è con-
trario sunt, qui bili non hanc concedunt autoritatem, atq; planè
causam esse denegant, inter illos Helmontius est. vid: tract. ejus de
sex duplici digestionem alimenti humani. p. 172 §. 30. Paracelsus autem
aperte, contra bilem disputat, ac salibus tribus tribuit; libr. de icte-
ritis, c. 1. Quæ omnia cum attentius paulò ruminor, liberè profi-
teor me inter dissentientes pariter dissentire, cum physicorum scri-
nia superbiant totidem datis, quibus maximè probabiles formari
queunt, aut formandæ sunt opiniones. Philosophandi hinc, ut alii,
utar libertate, certâ fiduciâ fretus, me sat clara, nisi evidentiora, pro-
laturum. Commixtione Salis Entalici Vitriolati & Sulphuris re-
soluti, icterum fieri ut Paracelsus autumat, vix ac ne vix concipio,
nisi salibus istis, quod conjicio, acida & sanguinem fluidum coagu-
lantia intelligat, quibus cum variæ & per totum corpus in partibus
solidis obstructions fiant, icterum produci affirmet. Helmontii
de ictero opinio non planè in conveniens videtur, vitiosa enim di-
gestio vitiosos humores, vitiosam nutritionem parit, quæ factis ob-
structionibus, cachexia icteritia induci facile est; Hinc à mœrore
is notat icterum, aut ab ira Riverius, quatenus utraq; animi passio-
ne humorum læsio producitur, ut obstructions facile fiant. Ad
eos quod attinet, qui bilem putridam, causam icteri esse volunt, in
circulo impeditam, pace eorum hanc ita vocare non possum, cum
in schirroso aut ubi calculi hepate, bilis circulis quam maximè impe-
ditus, non tamen inde semper morbus arqvatus eveniat, Elegan-
ti observatione hoc illustrat Ettmüll prax. part. 2 p. m. 54. ubi nec
collecti in folliculo felleo lapides sat copiosi icterum producere va-
luerunt. schirroso lienj alii adhuc icterum tribuunt, sed Lindanus se
in Frisia multos curasse schirros lienis refert, in quibus tamen nul-
lum

lum morbi æquati vestigium observatum est. Bilem hinc causam icteri dicere nescio, cum ulterius observationibus confirmatus icterum citra impeditum bilis motum ortum fuisse, cum feces alvine æq; ac in statu naturali flavæ, imò ut in diarrhæa prodierint; quod confirmat quoq; Riverius obs. cent. 2. Obs. 9. unde bilem non absolutam icteri esse causam concludo.

Thes. IV.

Vera autem morbi huius causa ut mihi firmiter constet, aut de eâ certior fiam, signa quibus hic morbus cognosci solet prius considerabo, cum viam feliciorē inveniendi causam mihi imaginari, vix queam. Signa a quibus diagnosi fit, sunt sequentia. In morbo æquato dum imminet & adest, Practicorum imprimis Ettmüll. & Dolæi observatione, corporis omniumq; artuum cum gravativo lumborum dolore lassitudo observatur, & præcordiorum anxietates junctam difficilem respirationem habent, quâ suspirioso halitu, ægri vix loqui queant. Appetitus si non prostratus ad minimum tamen imminutus; Sitis est clamosa. Sapor in ore varius, quandoq; amarus quandoq; non, caput dolet, in somnia ad sunt turbulenta, capilli decidunt, non raro febris adest, quæ icterum quandoque præcedit, alvus adstricta ejusque facies albida & dura, jam fluida & diarrhæa biliosa se prodit. Urinæ ex flavo & rubro ferè nigricant, viscidæ & paucæ ac linteamina injecta flavo tingunt colore; Tota quoque corporis superficies flavel, nec oculorum albugo à flavedine immunis est, hinc ipsis ægris omnia quoque flavo colore tincta videntur. Hæc omnia considerata aliam causam arguunt, eamq; talem, qualis cachexiam producere potest, nec id immerito, cum ille ipse morbus, cachectici annumeretur & cachexiæ icteritiæ in super nomen obtineat.

Thes. V.

Partium latifundia dum subit sanguis, ac derivatos arteriarum tubulos alluit, sine interruptione humores, tum pro nutritione solidarum partium necessarios eructat, quorum reliqua copia vel chylo vel sanguini per vasa lymphatica readmiscetur, vel per glandulas miliares secernitur, tum idem sanguis, spiritus animales pro replendis ad actiones obeundas nervorum tubulis suppediat, qui dum indefinenter illos tendunt, & ad motus perficien-

dos influunt ac præsto sunt, copiose ac turmatim abeunt in auras relinquentes partibus lassitudinem, de quâ circa vesperam post exantlatos labores quilibet conqueritur, nec sine dispendio sanitatis, nisi ei suppetiæ fierent cibo & potu, quorum factus cremor, continuum succendiculum sanguinis est, & sic lassitudines abeunt ac homo reficitur, qui alias pessum eat oportet, nisi tot dispendia resarciantur. Quandoq; tamen accidunt lassitudines, quibus nec labor nec aliud quid præcesserit; Has hippocrates Aphor. 5. sect. 2. morbosas judicat; *Spontaneæ inquit, lassitudines morbum denunciant*, quod si hæc ad icteri lassitudines corporis omniumque membrorum applicabimus & eas morbum denunciare certissimum est. Lassitudo enim ea de quâ continuo moleste conqueritur æger, spirituum defectum insignem dicit, quorum defectu nec motus partium facile cientur, quin potius non levi molestiâ fiat, unde continua de lassitudine totius corporis querela est. Spiritus animales cum deficient, quid aliud quam natales minus spirituosos dicunt, è sanguine autem spiritibus animalibus natales sunt, unde sanguinem minus spirituosum eumque viscidum indicat, hinc quam diu viscidus est, nec reiterato, nec toties reiterato circulo spirituum copiâ tum subtilitate sufficientes suppeditare poterit, quin præterea obstructions in partibus solidis producat, id quod lassitudini junctus gravativus lumborum dolor, simul aperte probat, cum is non nisi ab obstructionibus oriatur unde sanguinem esse viscidum indeque obstructions in solidis factas certissime concludo.

Thef. VI.

Præcordiorum anxietas, de quâ Ephemerides Germaniæ decuriæ. i. an 4. p. 107. notant juncto cum difficili spiritu, æque ac lassitudo sanguinem viscidum & obstructions in præcordiis dicit, dum & lymphæ irrigans vala præcordiorum sua visciditate moleste afficiat, ac premat unde tum præcordiorum anxietates, tum difficilem respirationem oriri autumo, cum enim suspirioso halitu vix sæpius loqui queant, gravari viscidis, ac obstructionibus inde affici præcordia, à sanguine viscido concludo.

Thef. VII.

Appetitus si non prostratus imminutus tamen & sitis clamosa sanguinem, viscidum & obstructions indicant. Ad vellicationem

nem ventriculi fermento factam ex lege conjunctionis ideam famis mens concipit, & ad ariditatem faucium, salivæ fontes non satis cum fauces irrigent, eadem ex lege excitatur in mente sitis idea. Pro utrâque abigendâ occupata est mens hinc cibum & potum appetit ac medelam obtinet; hoc ordinariò procedit ac stata lege; vellicatione imminutâ aut plane remotâ appetitus perit & plane imminuitur & auctâ ariditate faucium sitis intensior fit. De utrâque molestiâ conqueritur ictericus, hinc viscidum sanguinem & obstructions factas reor, fermentum ventriculi enim cum sanguine è vitioso secernatur, nec efficax est nec excitari facile potest, quin potius si aliquid ciborum assumatur, eo ulterius enervetur, ut taceam obstructions simul fieri à viscidâ lymphâ quæ glandularum ventriculi tortuosos minimos tubulos transire conatur. Obstructions autem in partibus solidis factas sitis clamosa probabit, quâ hydropicis non absimiles Ictericis; magnas enim hæc arguit obstructions simul in aliis partibus factas, cum pori salivæ constantes maximè obstruantur, quid nî in aliis fiet? Hæc sitis clamosa, ex defectu feri situerit, magna potius vel ∇ æ vel vel alterius liqvoris copia eum refarciret, sed quo plus sunt potæ, plus sitiuntur aquæ. Ab obstructionibus salivæ fontium, oriri hinc sitim in Ictero à sanguine viscido seu humoribus viscidis firmissime reor.

Thes. VIII.

Cum de capitis dolore & somniis turbulentis conqueritur æger, apertè is confitetur sanguinem viscidum & obstructions adesse; Viscidus enim ac pituitosus cruor, licet propter continuatas fermentationes ex arteriarum cerebri poris particulas eructet, crassiusculas tamen eructat quæ stimulo subtilioribus scilicet destitutæ in cerebri tubulis ceu omnium tenerrimis hærent & caput dolens faciunt. His crassis per ventriculos cerebri oberrantibus particulis etiam tribuo, quod somnia turbulenta Ictericis frequentia sint; cogitandum quidem esset cum spirituum adsit defectus, id quod vel ex lassitudine judicare licet, somnum eorum fore longiorem aut cum brevis, spirituosum adesse sanguinem, sed brevis iste somnus spirituum copiam non producit, cum aliàs nec adeò interruptum somnum nec ab externâ aliquâ quasi vi concussum evigilantem ægrum notaremus; hinc crassas à sanguine cras-

so ac viscido è poris plexus choroidei eructatas judicamus, quæ motæ cum diutius motum suum servant, in cerebri vestigia impingunt sat validè, illa aperiunt, unde mens ex lege conjunctis onis ad horum considerationem rapitur ac rerum ideas percipit, inter quas cum nullâ connexio, nullus ordo intercedat, turbulenta fiunt somnia, quibus quasi inde concussus, æger evigilat & sanguinem crassum ac viscidum & obstructions adesse indicat.

Th. IX.

Capillorum defluvium vel à mutatâ, vel ab impeditâ, vel planè vitiatâ nutritione oriri statuo, vel enim cum per totum corpus factæ sint obstructions fieri nequit, quin & glandulæ subcutaneæ, è quibus pili protruduntur, obstruantur à viscidâ lymphâ aliàs limpida cum glutinosis pilos constituentibus particulis transfluente, unde nutritione destituti pili decidant necesse est; vel si deponantur sufficientes pronutritione particulæ, stagnent tamen & transire cum debeant, prius moramnectere cogantur, ac redine suâ non nutritionem, sed defluvium capillorum producant, sanguinem hinc crassum & viscidum & inde obstructions per corpus ægri judico.

Thes. X.

Non rarò quoque morbo arqvato juncta est febris quæ quandoque eum præcedit, posterius si fiat, mirum non est, fieri inde obstructions cum fermento peregrino, dum sanguini miscetur, turbetur sanguis, turbari nequit, quin hinc & inde impetuoso suo motu in partibus solidis obstructions producat, unde factis obstructionibus cachexia, quæ si flavedinem referat icteritia oritur. Quod si autem prius contigerit, non minimus metus est, ne in solidis pertinaciores fiant, quod omnium facillime evenit, cum sanguis viscidus jam obstructions produxerit, & adhuc fermento febrili turbetur unde obstructions pertinaciores & curationem difficiliorem fieri, è sanguine viscido & insimul turbato, consequentia est.

Thes. XI.

Specialiora morbi arqvati signa sunt alvi fæces albidæ & duræ cum adstrictione alvi, quas à defectu bilis ad unum omnes deducunt Practici, dum ductus choledochus in intestino duodeno obstructus, quo minus ea effluere, stimulare ac flavis suis particulis, quæ ipsi admixtæ, excrementa tingere queat. Junctam autem hæc excrementa
duri

duritiem habent, cum lubrica non satis intestina sint, à cuius deficientiâ & alvum adstrictam oriri puto, indeque obstructions à sanguine viscido factas concludo.

Thef. XII.

Alvus tamen quandoque fluit eiqve juncta diarrhæa biliosa est, quæ quotidie quidem non contingunt, quod si autem contingant remane licet ictero, ab acido in intestinis hærente & vellicante oriri statuo, quo & ductus choledochus quandoque aperitur, undè bilis simul effluit, ac particulas suas tincturam habentes excrementis jungit, ut flava ejiciantur, elegantissimè ut id monet Franciscus De leboe Sylvius lib. 1. prax. p. 304. §. 46. sed cum reliquæ in solidis restent obstructions, icterus nihilominus remanet, & à sanguine viscido obstructions factas indicat.

Thef. XIII.

Urinæ ex flavo & rubro ferè nigricantes, viscidæ & paucae, sanguinem viscidum & obstructions in renibus arguunt & magna particularum flavarum & salium copiâ repletas intensus colordicit; Abile autem Urinam tingi commune quidem placitum fuit, sed si ab illius admistione flavesceret, amaricaret, cum bilis aquæ infusa vix ad ejus tincturam suâ amaritie se molestè prodat; nec admistione salium alcalicorum nec acidorū sapor amarus infringatur; quibus alias colocynthidos amarities perit: sed nulla amarities nec in urina ictericorum percipitur secundum auctorum animadversiones, etiamsi intensissimè tingat lintea & inspissata adhuc & ad nigredinem diducta postea flavo colore tingat; Ut taceam bilem urinæ sanæ admistam minime tingere lintea, ut ictericorum tingunt, nec serum sanguini ictericorum innatans lintea croceo licet tingat colore amaricare vid. Eph. nat. curios. dec. 2. ann. 6. p. 262. hinc flavedinem in ictero bili non tribuo, cum & sine flavo colore amaricantia ejiciantur, quæ non nisi albicant vid. Senn. de dissens. & consens. Chymic. c. 16. & crocea vomitu sæpius ejiciantur; quæ sapore liquiritiam æmulo dulcia sunt, quæ quid notat Snenert, tract. de Consac. dissens. chym. c. 16. p. 468. Nec obstat

flavedinem bilis urinæ flavum multis gradibus superare, firma quippè inde formari non potest conclusio hanc ab illa oriri, cum utriusque flavedo à tertiâ provenire queat causâ, particulis in sanguine flavis & salibus, quibus saturata urina sapore intensissimè salso seprodit, & ex flavo & rubro nigricat, quale quid multoties observatum legimus. Has in solidis obstructions quoque indicat tota corporis cum flavedine cachecticâ dispositio, quibus omnibus pensitatis sanguinem esse viscidum & obstructions in toto corpore factas judicatur.

Thef. XIV.

Viscidus itaque ac crassus cum sit latex, fieri nequit, quin actus in orbem, dum minutissimos vasorum in partibus solidis tubulos alluit, ob visciditatem quâ totus scatet, per totum corpus deponendo viscidum, producat obstructions, quibus non tantum circulus impeditus sed & nutritio vitiata, ut chylosæ ac nutrientes particulae propter in solidis obstructions apponi non possint, sed æq; restagnent, unde cachecticum notamus corpus; Sed adhuc flavet, quo icteritium vocatur, hinc aliud quid adsit necesse est quod corpori flavum inducat colorem, quem flavis aut ut alii in nominatis in sanguine particulis tribuo. Cibus enim assumptus, cum in ventriculo concoctus, cremor fit, qui ob lacteum ferè quem refert colorem, chylus vocari solet, materia quæ pro tot dispendiis refarciendis sanguini per ductum thoracicum miscetur; misceri autem non potest, quin ipse alium obtineat colorem, ipsamque sanguinis purpuram reiteratis totidem fermentationibus induat, & ipse constituat purpureum laticem, qui nutrientes & alias eructat particulas cibo & poru ordinaria lege restituendas. Purpuram autem ex albedine coloribus maximè diversis simul & semel unâ vel alterâ fermentatione induere nequit, quin ferissim ac sensim flavescendo purpuratus fiat; facta tamen unâ vel iteratâ fermentatione partes omnes dum in orbem agitur, alluit, inq; eas id quod ob convenientiam pororum alias deponi solet, deponere conatur, sed factæ in ictero obstant in solidis partibus obstructions, ut istæ flavæ particulaeistantur, nec ulterius con-

concoqui nec purpuram induere queant, unde cutem colore flavo tingunt, hoc est icterum flavum constituunt; quæ particulæ adustæ magis si fuerint, icterum nigrum, aut pro admixtione aliorum vel obscure viridescentem vel alterius coloris producunt arq̃vatum morbum. Nec oculorum albugo à flavedine immunis cum in omnibus partibus à sanguine viscido factæ obstructions, hinc & observationes satis docent, & partes internas, intestina aliæque flavo colore in ictero conspici, quæ quid Zacutus Lusitan. lib. 3. P. admirand. p. 156. refert. Oculorum autem humores flavis particulis cum referti sint, ictericus quoque omnia flava videt, radii luminis cum ita refringantur, per vitiatos oculorum humores, nec alio in loco transire nec aliter refringi queant, hinc æger fallitur, & omnia flava conspicit, dum ab objectis hoc procedere autumat. Sed hisce fortè me humoribus admixtam bilem penitus negare videor, quam tamen non prorsus nego, cum ut alia taceam, sapor in ore excitatus quandoque amarus bilem humoribus admixtam satis arguat. Fieri enim nequit, quin factis omnium partium per totum corpus obstructionibus excrementitia fecerni solita diutius in sanguine maneant & pariter stagnent; hoc saltem volo, bilem non esse icteri causam, cum, alvus licet tinctis flavo colore excrementis aperta, aut diarrhæa biliosa juncta sit, nihilominus icterus observetur, id quod auctores medici & inter illos Helmontius Tract. de spiritu vitæ p. 160. §. 12. & Sylvius libr. 1. Prax. p. 105. probant; Accedit quod bilis egressu suo licet impedita sit ex obstructo ductu choledochi, non ut alii tñ. putant, ascendere queat ad hepar etiam si omnis concipiatur vis, cum ut taceam, bilem inde novam subire debere mutationem, textura glandulorum acinorum hepatis obstet, quæ aut egressus ejus in vesicam felleam promovetur, sic regressus impeditur; hinc obstructions causam proximam dico è viscido sanguinis productas quibus particulæ flavæ hærentes icterum flavum producant.

Thes. XV.

Omne itaque id, quod obstructions in solidis producere potest, quibus flavæ particulæ sistuntur, causa icteri est. Inter res au-

tem non naturales se primum offert nebulosus, frigidus & crassus aer, qui sanguini communicatus intestino ejus motui nocet, sanguinem incrassat, ut sic viscidus obstructions in partibus solidis faciat, probat hoc Paschalius l. i. de curat. morb. c. 43. qui refert, in Sardinia ex aeris corruptione autumnis in icterum incidere indigenas fere omnes; id quod convenit cum observatione Hippocratis quam libr. de humoribus. sect. 2. p. 18. suppeditat, icterum enim morbum autumnalem dicit, & ex rigore hyemis tempore observavit icterum idem lect. 5. p. 13. Nec excludendus æstivus aer, cum suo vehementi motu quo sanguinem eodem modo afficit, reddere viscidum eum & obstructions inde; icterum inducere queat, quod citatus Paschalius citato loco & æstate fieri icterum testatur. Huc facit Hippocratis observatio qui extemulentiam eundem notat, & sic cum aer facile non nocet, cibus & potus ejus sæpius auctores sunt. Si crassus, acidus & faculentus, carnes sale & fumo induratae, legumina, lentes & alii assumantur crassioris indolis cibi, si potus nimis isque imprimis generosus fuerit, sanguis ab utroque læditur, cibo crasso incrassatur & viscidus fit, & potu generoso in impetum rapitur, quibus spiritibus orbatur, crassæ in partes solidas adiguntur particulae, vappa relinquitur, unde obstructions in solidis fieri certissimum. Hinc manducatione staphidis agriae icterum oriundum legimus in observationibus Loffii p. 259. Hinc spir. Vini abusu sæpius icterum notamus quem & Sylvius lib. 1. prax. p. 302. testatur cum in sequente ascite ut plurimum lethali; Hinc & spir. Vini potatores frequentissime cachexiam sosti loco corripuntur, cui si jungatur cutis superficies flava icteritia evadit; à medicamento sudorifero in colica assumpto notat eum Bartholinus cent. 5. historiarum 62. Huc facit icterus à partu laborioso productus, quem testantur Prædici. Motus & quies, vigiliae & somnus si modum excefferint, icteri causa esse possunt, motus enim & vigiliae, ut sine spirituum animalium præsentia fieri nequeunt, sic excedentes modum inferunt eorum dispendium, unde sensim sanguis vappa fit, fit viscidus & crassus, fiunt obstructions.

nes, ut flavæ sistantur, fit icterus. Somnus nimius ac quies nimia sanguinis & humorum motui cum nullum addant calcar nullum stimulum, hinc nec sanguis, nec humores, ut par est & requiritur, attenuabuntur, incidentur, unde cruor fit crassus, fit viscidus. Si excernenda non excernantur sed remaneant, sanguinem inde viscidum fieri indeque obstructions oriri certum est, sic ex suppressione mensium notat icterum Bartholinus cent. 5. hist. 62, & observant Schenck. l. 3. observat. de ictero & Ephem. Germ. Dec. 3. an. 1. p. 136. Huc quoque facit colicis doloribus quandoque superveniens icterus quem Excell. D. Præses in viro quadragenario observavit. Animæ denique passiones vehementissime afficiunt corpus & conservantur per motum spirituum, quæ si diu duraverint nec eorum fiat temperantia, spiritus consumuntur & crassus ac viscidus relinquitur sanguis, unde obstructions ut flavæ sistantur, unde icterus. Et sic ex ira ortum legimus icterum in Riverii observationum Cent. 2. Obs. 9. Et Helmontius tract. de morbi sede in anima sensitiva p. 451. § 12. circa finem ex mœrore nimio icterum natum notat.

Thef. XVI.

Ad causas icteri producentes & præter naturalia pertinent, cum illa corpus & humores afficiant. Malo Hypochondriaco Scorbuto, Hydropi sæpius icterum supervenisse praxis docet; Nec aliud arguunt, quam sanguinem viscidum & crassum quo obstructions producantur, flavæ particulae sistantur & icterus fiat, quem etiam agnoscit quartana, cum & ipsi aliquando icterum junctum notavit Excell. D. Præses; nisi hoc adhuc accedat, febres in simul turbasse sanguinem, quo turbato pertinaciores factæ sunt obstructions. Huc referendas censeo observationes ictericorum quæ tum à venenis assumptis leguntur qualem supeditat Abynzoar. libr. 1. prax. tract. 13. c. 6. & Paulus confirmat. l. 3. c. 50. *jam verò inquit noxii medicamenti potus, tum virus extrinsecus à venenato animali illatum morbum regium parit.* Et quæ tum à venenis morfu inflictis constant. Sic à morfu canis rabidi icterum notavit Bartholinus Cent. 2. Observ. p. 322. & Eph. Germ.

Nat. Curios. Dec. 2. ann. 9. p. 352. ex morfu Sciuri in virguncula
icterum referunt, à viperæ morfu eum notat Marcel. Donat. in
hist. Med. mirab p. 72. & post arenearum morsum icterum natum
refert Joel. in s. pr. lib. de venenis. Huc referendus & icterus
qui vel ex ulceribus quibusdam crurum occlusis oritur, ut re-
fert Amatus Lusitanus Cent. 2. curat. 83. Vel ex vulnerato
capite notante talem icterum Hochstetero decad. 8. p. 198. vel à
vulnere sclopeti ventriculum perforantis quem notat Bartholin.
cent. 6. hist. 58. quibus omnibus mixturam turbatam judico, quæ
crassiores à subtilioribus expulsæ particulæ obstructions faciunt
ut particulæ flavæ sistantur, unde icterum à variis præternatura-
libus ortum legimus.

Thef. XVII.

Ad prognosin progredior, quam ex circumstantiis for-
mandam judico. Icterus est morbus chronicus qui dicit ob-
structiones & hinc eò longior, quò sanguis viscidior & perti-
naciores obstructions. Acutus tamen fieri quoque potest, testi-
monio nostri Hippocratis lib. 3. de morb. C. 12. & aphor. 62.
sect. 4. quatenus febris præcesserit, cum febre obstructio-
nes pertinaciores & sanguis viscidior fiat, & rectè judicatur,
ubi febris & icterus ibi difficilior cura, quæ simul, si à venenis
inducantur; Et quo symptomata graviora, si appetitus prostratus,
vigiliæ, febris continua adfuerint tunc periculosior fit, & augetur
periculum, si singultus supervenerit, qui convulsiones imminere
arguit; quibus affecti icterici facile moriuntur. Ictero cachecti-
cus cum morbus sit, facile supervenit vel hydrops vel tabes, sic
morbo cum gravior supervenerit, mors facile sequitur. In senibus
difficillimè imò nunquam curatur, cum debiliores fermentatio-
nes & minor spirituum copia sint, obstructions etiam ob con-
stantiores poros pertinaciores fiant, quibus non solutis nec cura
speranda. Inter varias autem icteri species flavus facilior curatu
habetur quam niger, cum niger pertinaciores adhuc obstructio-
nes dicat, sed curatu facilior est icterus, qui nondum invetera-
tus sed recens est.

Thef. XVIII.

Thes. XVIII.

A sanguine viscido & obstructionibus oriundus ieterus medicamentis curandus, ut id quod viscidum incidatur, attenuetur, & obstructiones deobstruantur & referantur. Quæ cum minorem sanguinis copiam multò facilius regere queant, & imminutâ copiam is sæpius ad cor redeat, curam venæ sectione exordiendam censeo, eamque pro ratione circumstantiarum reiterandam, ut paulatim melior substituatur; Circa Venæ delectum valdè sollicitus non essem, pedis tamen illam potius eligerem, rationi enim non dissonum est, sanguinem in inferioribus partium truncis reliquo crassiorem esse; vulnusculum ipsum autem venæ sit paulò latius seu satis amplum, ut viscidus sanguis effluere queat.

Thes. XIX.

Sanguine sic imminuto reliquus corrigatur incidentibus & attenuantibus, obstructiones referantur & viscera à terrestri faculentia mudentur, pro hoc scopo obtinendo præscriberem medicamentum quod in copiam assumi possit, ut sanguinem diluat, particulis medicamentosis totum imprægnet, cum eo fermentationes subeundo eum alteret, & ad omnes partes delatum obstructiones omni tempore deobstruat. Hoc erit apozema, particulis ligneis, rigidis & solidis imprægnatum, ex ligno Gvaj. ejus corticibus, è rad. Chin. rad. sarzaparill Cappar. Apii. Brion. alb. cort. tamarisc. & aliis. Herbarum ingredientiæ esse queunt Chelidon. maj. Tarax. salv. Rosm. agrimon. absinth. &c. Flores sint. cent. min. aquileg. hyperic. & similes; semina sint sem. Dauci, aquileg. & carv; quibus nec ineptè Antimon. crud. addi posse autumo, omissis tamen acidis, quæ in diplomate coquantur in ∇ a chalybeata additis aliis syrupis convenientibus. Et hujus vel similis apozematis haustus insignis cum corpus adhuc inter stragula calet, assumatur calidè ac bene tegatur corpus, qui haustus horis pomeridianis & circa vesperam repeti potest, corpusque moveri, quo juvari queat decocti in membra distributio. Aliquot dierum decursu post usum apozematis exhibeatur præparatis humoribus lene purgans ex
mercurio

Mercur, dulc. additis extr. Cathol. vel Panchimag. Croll. cum
Ref. Gialapp. vel Scamm. qvale purgans nec ineptè statim initio
ut primæ viæ abstergantur, exhiberi potest. Laudari hinc quo-
que solent Aloëtica, Rhabarbarina & alia quæ alvum stimulant
Expurgato sic corpore, fiat reditus ad apozema per aliquot die-
rum decursum, quod iterum excipiat purgatio cum observa-
ta hac periodo, donec judicaveris corpus ita dispositum ut ob-
structiones sudoriferis & diureticis referari queant. Inter usum
a. apozematis non negligenda digestiva sed optimo consilio
admiscenda, illaque sint tum salia duplicata ut Tartarus Vi-
triol. Arcan. dupl. Terr. fol. Tartar. aut ejus liquor tum alcalia
fixa, tum volatilia, sal votat. C. C. vel Viperar. huc facit & crocus aut
ejus parata tinctura, tum acidiuscula ut tinctura flor. Bell. clyffo An-
timonii parata, aut flor. aq. ileg. tinctura cum eodem menstruo,
semper respiciendo qualis humor aliis admixtus sit; tum Mar-
tialia, quæ omni in ictero felicissimè exhibentur, imprimis cruda
non verò quæ in acidis soluta, fortissimè n. agunt cruda in M. S.
& aperiendo educunt, hinc limatura Chalyb. crud. alcohol. quoti-
diani sit usus vel solitariè, vel addi possunt paululum aromata ac
bis in die usurpari conducibile est, hinc pulv. cachect. Hartm. non
minimi successus in ictero est. Efficaciâ a. limaturæ chalyb. crudæ
in ictero aliquando observatam non satis laudare potest Excell. D.
Præses. Quod si a. aliâ sub formâ chalybeata desideret æger subi-
stitui possunt non sine successu Tinctura martis antimoniatæ,
aut crocus martis aperitivus imprimis sale ammoniaco paratus,
aut flores salis armonici martiales, aut Antim. diaph. martiale, &
alia ex marte parata. Facit huc & aurum fulminans, quod ob-
sal duplicatum, quo constat, non sine successu præscribitur, qui-
bus & absorbentia, pro rei exigentiâ admisceri, vel solitariè exhi-
beri consultò queunt, cum quandoq; & acidum adsit,

Thef. XX.

Corpore satis diu præparato tandem ad diuretica & diapho-
retica devenirem, quibus solidarum partium obstructiones effi-
cacissime referari queunt, imprimis diaphoreticis ex mineralib; &
& salibus, ut & ex Antimonio diaph. Bez. min. & aliis & salibus
fixis